

# **Bam Afərikaye hakkiya kambe-a jamawa-aye**

Translated by: Michel Bodet Mai Moussa Mai

**Kəla awowa aniyen dajana:**

**NASHA BURWOYE: HAKKIYA-A WAJƏPPA-A  
SURA 1 : HAKKI KAMBE-A JAMAWA-AYE**

## **KAL 1**

Larduwa mambərra Kungiya Kəlakəl Afərikaye bam adən faidaduwudə, hakkiya-a wajəppa-a afuwa-a curo bam adəyen mananja cadənadəa kasaccana koro jawalla wadaye bi gadeyen tayilan faidaduye maduro nia ngojana.

## **KAL 2**

Kam fi yaye hakki hakkiya-a afuwa-a nodana koro curo bam adəyen mərse tadənadən kəji fandaye cədana gayirda fima bawoalan masammanno jiriye, kabilaye, jiri karawiye, naptunjuye (kwanga bi kamu), təlambe, adinne, siasa bi raayi fi yayeye, fərdü lardula bi jamaye, arsiyiye, tamboye bi lamar laa gadeyen.

## **KAL 3**

1. Am samma fuwu sharayen nankalkal cawandi.
2. Am samma hakki səriwo kalkal wadaye fandoye cadana.

## **KAL 4**

Adamgənadə tamanna. Adamgəna fi yaye hakki ronju-a nanngəla tiyinju-a hangalnjuye-aye cədana. Wunduma jawal jireye gənin hakki adəa fucciawo.

## **KAL 5**

Wundu yaye hakki daraja adamgənaro jussəna-a naptunju jawal sharaye-a dajaraduye cədana. Jiri faidaduye-a kambo daraja njonambu-a masammanno nankərea, sawur ambe, basarı tiyiye bi hangal jada-a shara bi ta adəmgəna candənni bi nangua njəddo samma dəpkada.

## **KAL 6**

Wundu yaye hakki afu fandoye-a səriwo kəlanjuye-a cədana. Wunduma afunju fucciawo dəlwuwa-a awowa wada wuljəna-aro kajaiya; ngaima wundumaa jawal jireye gənin rojaiawo bi koson jakcawaiawo.

## **KAL 7**

1. Kam fi yaye hakki tia kərənduye cədana. Hakki adə ania wujo: a) hakki shararamma larduye jussanaro sa awowa anije falnja jəganniya sonəm njəkkado: hakki nowada fandulan mərse cadəna, wadawa, yassa-a adawa tayilan faidadai-a; b) hakki biwu tənniye cədai har kawu shararam jussənan biwunju nodiro; c) hakki kəla mowoye-a kəla mowoma kəredu-aye; d) hakki sa tussənnin shararam kam gayirjiwawon shara kamdu fandoye.
2. Wundumaa kəndo laa bi cəptuwu laa sa cədənadən wowom wujənni cədənarо sharaye cədaiwawo. Basari fima tiro caddiwawo sa biwudə tədənadən shara kamduwuyedə bawoa. Sharadə biwumaye rakce biwumaa gənia, kam gadea cədaiwawo.

## **KAL 8**

Bodu hangalle, sania-a rawon adin dio-a tadi. Sawi jamalaro kajiya, wundumaro jawalla laan rawonju fəleduwu dapcagaiwawo.

## **KAL 9**

1. Kam fi yaye hakki lawar fandoye cədana;
2. Kam fi yaye hakki raayinju wuldu-a wormadu-a wadawa-a yassa-a jəgaialan dioye cədana.

## **KAL 10**

1. Kam fi yaye hakki rawonjun am gade-a kungiya koktuye cədana, jawalla wada wuljənadəa jəgaialan.
2. Wundumaa dolero curo kungiyayero casakkiwawo bana doleye kal 29ye wuljənadəro kajiya.

## **KAL 11**

Kam fi yaye hakki rawonjun am gade-a cammo dioye cədana. Hakki adə jiri awowa wadawaye dapkada canna jawal faida səriwo larduyen, səriwo kamben, nanlewayen, bi hakkiya naptu kambennoro kajiya duwon tilan am faidadai.

## **KAL 12**

1. Kam fi yaye hakki rawonjun dadaduye-a curo larduyen nanju kəndəgairambe kəredu-aye cədana jawalla wada wuljəgənadəa jəgaialan.
2. Kam fi yaye hakki lardu fin yaye saptuye-a, lardunjun kal, waldəme lardunjuro kənde-aye cədana. Hakki adən awima fuludiwawo wadadən gəni wuldənaa, masammanno səriwo larduye, jamaye, nanlewaye bi kareyaye dioro.

3. Kam fi yaye hakki sa basari caiya, manøme lenøme lardu gaden naptuye cødانا jiri wada lardu fiye yaye-a fandu duniala-a wuljainadø gainin.
4. Kusotto nowada curo lardu laa bam adøn faidadilan døganadø rakcane dujaiwawo nia laa wadadø wuljønaro kajya.
5. Kusottowa køla tilonna dududø dapkada. Dudu køla tilonnadø tima køwuwa larduwaye, jiriyaye, kabilawaye bi adinna wujønaye tødidø.

#### **KAL 13**

1. Am larduye samma hakki rawonjan kidaram awowa jamala larduyero mukko njakkoye cadana, tayi kølanja bi wakkilla rawonjan kørejanayen jiri wada wuljønadø gainin.
2. Am larduye samma hakki kida gomnatiye lardunjaye dioye cadana.
3. Kam fi yaye hakki kareya-a kidaramma gomnatiye-an, wunduma kamanjua jawal wadayen kojønnin, faidaduye cødانا.

#### **KAL 14**

Hakki Lømannømlan faidadudøyero mørse tina. Hakki adø daptiwawo awo laa jamaa wujøna bi køryedøro faidaa jiri wadawa wuljanadø gai gøni tødiya.

#### **KAL 15**

Kam fi yaye hakki jawal kalkal koro køji fandiye-a kida dioye-a alwasí kidanjuro jussøna fandoye-a cødانا.

#### **KAL 16**

1. Kam fi yaye hakki nanlewa tiyiye-a ro bøna-aye jiri majin køji fanduye cødانا.
2. Larduwa bam adøn faidadaidø nia jawalla jussana maduye ngojana nanlewa jamawanjaye søriwodu-a tayiro bana kanji lowotordiyen kasuwa wakkajiya njukkodo-aro.

#### **KAL 17**

1. Kam fi yaye hakki alamdu fandoye cødانا.
2. Kam fi yaye awo jamaye ada wujønaro rakce rawonjun kølanju cakki.
3. Ladabu-a adawa tamanna jamaye nojønaro duno njo-a søriwodu-adø gomnatiyo wajøp jawal hakkiya kambero søriwoduyen.

#### **KAL 18**

1. Am fadoyedø tima awo alala-a førdø jamaye-aro. Gomnati tia søriwoji koro nanlewa tiyiye-a hangalle-aro kissiyi.
2. Gomnati dolero am fadoyero jawal nangadima ladabu-a adawa tamanna-a jamaye nojøna cødiyen bana cukkudi.

3. Gomnati gayirda kamuro tæddi fi yaye baworo cædi koro cakke hakkiya kamuye-a yalle-a səriwoji jiri curo jawawiya-a fanduwa duniala-an wuldənadə gai.
4. Am kawu jawuna bi maskinna, tayi ye hakki jawalla masammanne səriwoye məraduwanja tiyiye-a bi hangalle-a wujəna fandoye cadana.

#### **KAL 19**

Jamawa samma kalkal; daraja faldəman kasarga koro hakkiya faldəmaa cada. Awima cakke jama fal kamanjua rakciwawo.

#### **KAL 20**

1. Jama fi yaye hakki kəndəgaiye cədana. Jama fi yaye hakki sawisoye ye tiwawo ye naptunju curo larduye cədana. Naptunju siasaye rawonjun fəleji koro fuwumbuinju kanji kunguna-a jama-ayen jawal rawonjun kərejənadən cakke tədi.
2. Jamawa kərmainasara caddəna bi nankareea cadi də hakki raktu adən afu fandoye cadana dəlwuwa jama duniaye ardijənaro so njadolan.
3. Jamawa samma hakki bana larduwa bam adən faidadaien fandoye cadana curo məldunja raktu am gadeyen dasaanadən afu fandoyen jiri siasaye, arsiyiye, adaye jiri fiyero walyeno yaye.

#### **KAL 21**

1. Jamawadə rawonjan arsiyinja-a newa cidiye-a cadai. Hakki adə faida jamawayero faidadi. Jawal fiman jama laa hakki adəa fucciawo.
2. Hakkidəa kemowoa, jama fuccənadə hakki jawal jireyen ləmannanju mowoye-a sərəm jussəna fandoye-a cədana.
3. Rawon arsiyi-a nema cidiye-a tadə dolero taawa arsiyiye duniala, daraja wunduye kamanjuro, faldu kalkal-a wadawa hakki duniala-ayen tədidəro kuttu gənin tədi.
4. Larduwa bam adən faidadaidə nia ngojana tilo tiloye bi kəlladan hakki rawon arsiyanja-a nemawa cidiye-a tayen kəlakəl-a bana njukkudo-a afərikaye tədoro cadi.
5. Larduwa bam adən faidadaidə, nia jiri arsiyilan faidadu am lardu gadeye cadi tayi amari dunialan tədidəa tədiyaworo cadi jama lardu fi yayero nemawa larduyen riwa tuwandidən kəjiro faidadaro.

#### **KAL 22**

1. Jamawa samma hakki fuwumbuinja arsiyiye, jamaye-a adaye-a afunja-a naptunja-a darajadin koro kareya jamala duniyen kalkallo faidadu-a cadana.
2. Larduwadəro tilo tiloyen bi taawa cadiyalan, hakki fuwumbuiye dio wajəpcəgəna.

#### **KAL 23**

1. Larduwadə hakki nanlewaye-a səriwo curo larduye-a larduwa gadeye-aye cadana. Dəlwu bana wunduye kamanjuro njukkoye-a naptu nansawaye-a curo bam kungiya larduwa duniayen wuldənadəa kungiya kəlakəl Afərikayen wuljana koro naptu katte larduwayedən faidadi.
2. Nanlewa, bana kamanjuro njukkodo-a naptuwa nansawaye-a dunoaduwu, larduwa bam adən faidadaidə ania dapturo nia ngojana: a) kam hakki lardu gaden naptuye kal 12 bam adəyen wuldənadə gai cədanadə, kida laa hangalsangoye lardunju tambənaro bi laa gade bam adən faidadiro njəddo; b) Cidiyanjadəna kidawa hangalsangoye bi basarı jamanjuro bi jama lardu gade bam adən faidadiyero kudoye cidurambo dio.

#### **KAL 24**

Jama samma hakki kəndəgairam ngəla tuwum fuwumbuinjaro kəji fandoye cadana.

#### **KAL 25**

Larduwa bam adən faidadaidə, ilmu njəkkərai-a alamda-a wormadu-an casakke hakkiya-a afuwawa-a curo bamben dasaanadəro daraja njo dunaojagai koro jawalla majai afuwa-a hakkiya-a ania am asujaro koro ngaima kanji awowa dole-a wajəppa-adən.

#### **KAL 26**

Larduwa bam adən faidadaidə, shararammaya nankam kəlaye fando-a kidararamma larduye jussana hakkiya-a afuwa-a bam adən mərse cadənaa koktu-a ngəlaro kida cadoro mərse njo-aro mərse njonja wajəp.

### **SURA II : WAJƏPPA**

#### **KAL 27**

1. Wundu yaye kanji am fannjaye-a jamaye-a larduye-a kəwuwa ambe nowada-a jama duniaye-an awowa wajəpcəgəna cədana.
2. Hakkiya-a afuwa-a kam fiye yayədə hakki kam gadeye-a səriwo jamaye-a ladabuye-a riwa jamala-a darajadun tadi.

#### **KAL 28**

Wundu yayero, amanjua gayirda falma bawoalan, tame daraja njo koro tayia naptu darajaye-a kamanjua kasattu-a tədi yakkəme dio-a dunoaduwu-a səriwodu-a wajəpcəgəna.

#### **KAL 29**

Wundu yayero awowa ani wajəp:

1. Am fadoye fuwumbui yakkame dio-a kəlakəl-a daraja-a am fadoye aniye madu; sawi yaye amwurawanəm darajadu, tayia ambadu koro tayia curo məradunjayen banaduwu;
2. Jama larduyero duno tiyinəmbe-a hangalnəm-alan faidadu;
3. Bare səriwo larduyero kuttu yəddəmmi ni kam larduye kal kusotto kal;
4. Nankam kəlaye fando-a nantilo larduye-a səriwodu koro dunoaduwu koro lardu səriwoduro jiri wada wuljənadən kəla njakko;
5. Raktunəmlan-a yodunəmlan-a kida dio, kunguna awowa jamaro faidaa səriwoduro wada kamjəgəna njo;
6. Naptunəm curo jamayen yakkame awowa adala afərikaye ngəla səriwodu koro dunoaduwu kasattu, jande, sawardu dioann koro səriwo nanlewa hangalle jamaye dioro kəla njakko;
7. Raktunəmlan sawi yaye nasha fin yaye kəlakəl afərikaye tədoro kəla njakko.